

ORDENANZA Nº 30:

ORDENANZA FISCAL REGULADORA DAS TAXAS POR APROVEITAMENTO ESPECIAL OU UTILIZACIÓN PRIVATIVA DO DOMINIO PÚBLICO LOCAL

ARTIGO 1.- FEITO IMPOÑIBLE.

1. Constitúen feitos impoñibles destas taxas os aproveitamentos especiais ou utilizacións privativas do solo, subsolo e voo do dominio público local seguintes:

A) Instalación de surtidores de gasolina, aparatos de venda automática, fotografía, básculas, caixas de distribución e de rexistro no solo ou voo, bocas de carga de combustible, arquetas, postes, caixeiros automáticos, ramplas ou calquera outra instalación a servizo das edificacións e tamén con casetas de obras e outros elementos afectos ás mesmas na parte que exceda do replanteo correspondente á obra principal, así como, conducións de enerxía eléctrica, gas, fibra óptica e restantes servizos ou suministros, e calquera outros aproveitamentos especiais ou utilizacións privativas no solo ou voo do dominio público local.

B) Ocupación de terreos de dominio público local con valados, puntais, aspillas, andamios e outras instalacións análogas.

C) Ocupación de terreos de dominio público local con colectores e sacos para recollida ou depósito de entullos, materiais de construción ou residuos.

D) Ocupación de terreos de dominio público local con entullos, areas, materiais de construción, camiións bombeadores de formigón e outros.

E) Ocupación de terreos de dominio público local con mesas, cadeiras, tribunas, tablados e outros elementos análogos con finalidade lucrativa.

F) Instalación de postos, casetas de venda, barracas, casetas de feira, carpas, tómbolas, tiouvivos, norias e outras atraccións de feira, circos, instalacións de ocio de inverno, deportes urbanos e outros, teatro, cine e outros espectáculos na rúa, así como extensión da actividade

comercial ao dominio público local con expositores de produtos e instalacións desmontables para campañas promocionais de carácter ocasional.

G) Entradas de vehículos ao interior de edificios, fincas ou locais.

H) Reservas de vía pública para aparcamento exclusivo, parada de vehículos ou carga e descarga de mercancías de calquera clase.

I) Caixas de distribución e de rexistro no subsolo, tendidos, entubados, galerías para condución de enerxía eléctrica, auga, gas, fibra óptica ou calquera outro servizo e outros aproveitamentos especiais ou utilizacións privativas no subsolo do dominio público local.

J) Calquera outro aproveitamento especial do dominio público titularidade deste Concello.

2. Non estarán suxeitas as ocupacións de dominio público local do apartado F) do artigo 1.1, calquera que fose a súa ubicación dentro do municipio, incluídas no desenvolvemento de festividades, eventos e actividades declaradas expresa e individualizadamente polo Pleno do Concello “de especial interese ou utilidade municipal” por concorrer circunstancias sociais, culturais, científicas, educativas, histórico-artísticas, de promoción da cidade ou de fomento da economía ou o emprego local que xustifiquen tal declaración. Dita declaración extenderá os seus efectos ás sucesivas edicións en tanto non sexa revogada

Aos efectos do establecido no paragrafo anterior, considéranse “de especial interese ou utilidade municipal” as seguintes festas ou eventos: Entroido, Reconquista, Semana Santa, Semana Grande das Festas de Vigo, Marisquiño e Nadal.

Tamén terán a citada consideración de “de especial interese ou utilidade municipal” as festas patronais e tradicionais de interese para barrios e parroquias organizadas por entidades asociativas inscritas no Rexistro Municipal de Asociacións.

3. Non estarán suxeitas as ocupacións de dominio público local do apartado F) do artigo 1.1 enfocadas á dinamización económica e social de actividades comerciais e as súa extensións: campañas, rebaixas e promocións solicitadas e promovidas por asociacións de comerciantes, centros comerciais abertos e outras entidades asociativas de carácter comercial, inscritas no rexistro municipal de asociacións, sempre e cando na autorización destas ocupacións figure expresamente o

carácter dinamizador económico e social da actividade comercial autorizada.

4. Non estarán suxeitas as ocupacións de dominio público local do apartado F) do artigo 1.1 para exposición e actividades de carácter cultural, científico, educativo e artístico sempre e cando na autorización destas ocupacións figure expresamente ausencia de lucro.

5. Non estarán suxeitas as ocupacións de dominio público local do apartado F do artigo 1.1. e non incluídas nos supostos dos apartados 2 a 4 sempre que sexan declaradas pola Xunta de Goberno Local “de interese ou utilidade municipal” por concorrer circunstancias sociais, culturais, científicas, educativas, histórico- artísticas, de promoción da cidade ou de fomento da economía ou o emprego local que xustifiquen tal declaración. Dita calificación “de interese ou utilidade municipal” terá carácter puntual e non estenderá os seus efectos máis alá da edición para a que sexa declarada.

ARTIGO 2.- SUXEITOS PASIVOS.

Son suxeitos pasivos das taxas reguladas nesta ordenanza, en concepto de contribuíntes as persoas físicas e xurídicas así como as entidades a que se refire o artigo 35.4 da Lei 58/2003 de 17 de decembro, Xeral Tributaria quen desfruten, utilicen ou aproveiten especialmente o dominio público local.

Nas taxas relativas o apartado G) do artigo anterior, serán persoas substitutas do contribuínte, obrigadas ao pagamento das taxas, os/as propietarios/as dos edificios, fincas ou locais a que dan acceso as entradas de vehículos, quen poderán repercutir, no seu caso, as cotas sobre os/as respectivos/as beneficiarios/as.

ARTIGO 3.- EXENCIONS E BONIFICACIONES.

1. O Estado, as Comunidades Autónomas e as Entidades Locais non estarán obrigadas o pagamento das taxas reguladas nesta ordenanza, referidas a aproveitamentos inherentes aos servizos públicos de comunicacións que exploten directamente e por todos os que inmediatamente interesen a seguridade cidadá ou a defensa nacional.

2. Así mesmo, estarán exentas de pagamento as taxas por aproveitamentos especiais sinalados no apartado b) do artigo 1) desta Ordenanza necesarios para realizar obras nas denominadas Áreas de Rehabilitación Integrada (*), así como as obras incluídas nos Plans Especiais de Reforma Interior de Bouzas e Casco Vello.

() ARIs de Casco Vello de Vigo, Bouzas, Santa Clara (Cabral), Bueu-Moaña (Coia), Beiramar, Espiñeiro (Teis), San Pablo e San Roque, e nos Contornos Residenciais de Rehabilitación Programada (ERRP) de Casco Vello, Bouzas, Santa Clara, Coia, Beiramar, Espiñeiro-Teis, San Pablo, San Roque, A Salgueira, descontinuo de Alcalde Lavadores, Canicouva e Escolas Públicas, Fenosa e O Gorxal.*

Igualmente, estarán exentas de pagamento, nos mesmos ámbitos territoriais as taxas por aproveitamentos especiais ou utilizacións privativas do subsolo con entubados para redes de telecomunicacións e outras infraestruturas para estes servizos.

3. Estarán exentas das taxas polas ocupacións de dominio público local do apartado F) do artigo 1.1 as persoas que realicen venda ambulante, acreditadas para a venda, que se atopen en risco de exclusión social, previa valoración dos servizos sociais municipais.

4. Estarán exentas das taxas polas ocupacións de dominio público local do apartado F) do artigo 1.1 as entidades incluídas no artigo 2 e na Disposición Adicional Novena da Lei 49/2002, de 23 de decembro e colectivos inscritos no rexistro municipal de asociacións.

ARTIGO 4.- COTAS.

1. As cotas tributarias relativas ás taxas reguladas nesta Ordenanza calcularanse aplicando as tarifas que figuran no apartado 4 deste artigo atendendo á categoría da rúa sinalada no Anexo da Ordenanza Fiscal Xeral do Concello, onde radique o aproveitamento especial.

2. No caso de que o aproveitamento estea situado na confluencia de varias rúas, aplicarase á tarifa correspondente á rúa de categoría superior.

3. No caso de que o aproveitamento estea situado en parques e xardíns públicos, aplicarase á categoría da rúa de máis categoría coa que linde.

4. Tarifas.

Epígrafe A) Surtidores de gasolina, aparatos de venda automática, fotografía, básculas, caixas de distribución e de rexistro no solo, bocas de carga de combustible, arquetas, postes, caixeiros automáticos, ramplas ou calquera outra instalación a servizo das edificacións e tamén con casetas de obras e outros elementos afectos ás mesmas na parte que exceda do replanteo correspondente á obra principal e calquera outros aproveitamentos especiais ou utilizacións privativas no solo ou voo do dominio público local:

A1. Surtidores de gasolina instalados en solo de dominio público local.

Por unidade e ano ou fracción

Categorías rúas:

1 ^a	2 ^a	3 ^a	4 ^a	5 ^a	6 ^a
2430	2350	1828	1826	1566	1284 €

A.2. Con caixas de distribución de rexistro, bocas de carga de combustibles, arquetas, postes e similares instalados en solo o voo de dominio público local.

Por m2 ou fracción e ano ou fracción

Categorías rúas:

1 ^a	2 ^a	3 ^a	4 ^a	5 ^a	6 ^a
78	39	36	28	28	18 €

A.3. Caixeiros automáticos adosados a edificios en que a súa utilización implique un aproveitamento especial de vía pública.

Por unidade e ano.

Categorías rúas:

1 ^a	2 ^a	3 ^a	4 ^a	5 ^a	6 ^a
171	132	102	101	88	71 €

A.4. Por ocupación de voo con voladizos de redes ou valados, con tendidos para conducción da enerxía eléctrica ou calquera outro servizo.

Por ml ou fracción e ano ou fracción.

Categorías rúas:

1 ^a	2 ^a	3 ^a	4 ^a	5 ^a	6 ^a
78	39	36	28	28	18 €

A.5. Por casetas de transformación de enerxía eléctrica e similares en solo ou voo.

Por unidade e ano:

Categorías rúas:

1 ^a	2 ^a	3 ^a	4 ^a	5 ^a	6 ^a
750	368	317	297	216	151 €

A.6. Por grúas nas que o brazo ou pluma ocupe no seu recorrido calquera porción de voo sobre a vía pública así como farolas, escaleiras de emerxencia e outras instalacións que voen sobre dominio público.

Por unidade e semestre:

Categorías rúas:

1 ^a	2 ^a	3 ^a	4 ^a	5 ^a	6 ^a
374	186	158	149	107	78 €

A.7. Por casetas ou outros elementos afectos á obra principal na parte que exceda do replanteo da mesma.

Por m2 ou fracción e día ou fracción:

Categorías rúas:

1 ^a	2 ^a	3 ^a	4 ^a	5 ^a	6 ^a
4,85	3,75	3,75	2,50	2,50	1,00 €

A superficie computable será a delimitada polas aristas extremas que forman todos os elementos da ocupación.

Epígrafe B) Valados, puntais, andamios e outras instalacións análogas.

Por m2 ou fracción, e día ou fracción.

Categorías rúas:

1 ^a	2 ^a	3 ^a	4 ^a	5 ^a	6 ^a
0,90	0,90	0,75	0,75	0,70	0,65

Durante os 90 primeiros días de ocupación, as anteriores tarifas terán unha redución do 50%.

As obras cuxo orzamento de execución material supere os 5 millóns de euros, a redución do 50% ampliarase aos 180 primeiros días de ocupación.

Non se computarán, a efectos desta taxa as superficies ocupadas por casetas descontaminantes de amianto.

Non se computarán superficies ocupadas por marquesiñas instaladas exclusivamente para a seguridade de paso peonil no caso de que estas sexan paralelas e adosadas ás superficies ocupadas polo andamio. A superficie non computable será o resultado de multiplicar o ancho mínimo imprescindible que determine o Departamento de Seguridade e Mobilidade para o paso de peóns pola lonxitude do andamio.

Non se computarán superficies ocupadas por valados ou andamios durante o tempo que medie entre a data final dunha demolición e a data de comenzo da nova construción. A superficie máxima non computable será o resultado de multiplicar a lonxitude do valado ou andamio por 0,50 metros de ancho.

Epígrafe C) Colectores e sacos para recollida ou depósito de entullos, materiais de construción ou residuos, silos para elaboración de materiais e similares.

C.1 Colectores para recollida ou depósito de entullos ou residuos, silos para elaboración de materiais e similares.

- C.1.1. Por cada colector de ata 7 m²
durante un período de 3 días naturais.....15€
- C.1.2. Por cada colector de superficie superior a 7 m²
durante un período de 3 días naturais.....30€
- C.1.3. Por cada colector de ata 7 m²
durante un período de 7 días naturais.....50€
- Tratándose dunha ampliación de 4 días
respecto do abonado no apartado C.1.1.....35€
- C.1.4. Por cada colector de superficie superior a 7 m²
durante un período de 7 días naturais.....90€
- Tratándose dunha ampliación de 4 días
respecto do abonado no apartado C.1.2.....60€
- C.1.5. Por cada colector de ata 7 m²
durante un período máximo de 10 días naturais.....90 €
Tratándose dunha ampliación de 3 días
respecto do abonado no apartado C.1.3.....40€
- C.1.6. Por cada colector de superficie superior a 7 m²
durante un período máximo de 10 días naturais155€
- Tratándose dunha ampliación de 3 días
respecto do abonado no apartado C.1.4.....65€

C.2. Sacos para depósito de materiais de construción e recollida de entullos e residuos, aplicarase opcionalmente unha das dúas seguintes tarifas:

- C.2.1. Por cada saco durante un período máximo
de 3 días naturais.....7,00 €
- C.2.2. Por cada saco durante un período máximo
de 6 días naturais.....21,00 €

Epígrafe D) Operacións excepcionais de carga e descarga

D.1. Entullos, areas, materiais de construción, camiões bombeadores de formigón, e similares.

Por m2 ou fracción e hora ou fracción:

Categorías rúas:

1 ^a	2 ^a	3 ^a	4 ^a	5 ^a	6 ^a
1,35	1,15	1,05	0,90	0,90	0,60 €

D.2. Mudanzas e elevadores.

Por m2 ou fracción e día ou fracción:

Categorías rúas:

1 ^a	2 ^a	3 ^a	4 ^a	5 ^a	6 ^a
3,55	2,85	2,35	1,95	1,95	0,95 €

No caso de que a mudanza se efectúe entre dous emprazamentos dentro do termo municipal e, sempre que se realice dentro dunha xornada laboral, realizarase unha única liquidación aplicando a tarifa fiscal do emprazamento de maior categoría fiscal.

Epígrafe E) Mesas, cadeiras, tribunas, taboados e outros elementos análogos con finalidade lucrativa:

Por m2 ou fracción e por ano ou fracción:

Categorías rúas:

1 ^a	2 ^a	3 ^a	4 ^a	5 ^a	6 ^a
5,34	2,79	2,38	2,09	2,09	0,75 €

En caso de existiren toldos ou parasoles de protección que delimiten unha superficie superior á delimitada polas mesas e cadeiras, tomarase aquela como base de cálculo.

Epígrafe F) Actividades económicas e outras na vía pública.

F.1. Venda ambulante, ocasional e “de tempada”: postos e casetas de venda.

Por m2 ou fracción e día:

Categorías rúas:

1 ^a	2 ^a	3 ^a	4 ^a	5 ^a	6 ^a
1,35	1,05	1	0,70	0,60	0,50€

A superficie computable será a que ocupe o posto.

No caso de ocupación do dominio público local con mercadillos de carácter periódico, ocasional ou sectorial na vía pública aplicarase unha tarifa única de 1€/m2/día.

F.2. casetas de feira, tómbolas, tíovivos, norias e outras instalacións e atraccións de feira.

Por m2 ou fracción e día:

Categorías rúas:

1 ^a	2 ^a	3 ^a	4 ^a	5 ^a	6 ^a
1,35	1,05	1	0,70	0,60	0,50 €

A superficie computable será a que ocupe a instalación máis a correspondente superficie de seguridade.

F.3. Circos, instalacións de ocio de inverno, deportes urbanos e outros, teatros, cine e outros espectáculos na rúa.

Por m2 ou fracción e día:

Categorías rúas:

1 ^a	2 ^a	3 ^a	4 ^a	5 ^a	6 ^a
0,3	0,2	0,2	0,1	0,1	0,05 €

A superficie computable será a que ocupe a instalación mais a correspondente superficie de seguridade.

F.4. Extensión da actividade comercial -desenvolvida nun local radicado no municipio- ao dominio público local con expositores de produtos e instalacións desmontables para campañas proporcionais de carácter ocasional.

Por m2 ou fracción e día:

Categorías rúas:

1 ^a	2 ^a	3 ^a	4 ^a	5 ^a	6 ^a
1,35	1,05	1	0,70	0,60	0,50 €

A superficie computable será a que ocupe a instalación mais a correspondente superficie de seguridade.

F.5. Accións comerciais de marketing e publicidade que conlevan instalacións en vía pública para promoción e/ou presentación de produtos.

Por m2 ou fracción e día:

Categorías rúas:

1 ^a	2 ^a	3 ^a	4 ^a	5 ^a	6 ^a
4,85	3,75	3,75	2,50	2,50	1 €

A superficie computable será a que ocupe o posto.

Epígrafe G) Entradas de vehículos a través de beirarrúas e terreos de dominio público local, por cada catro metros lineais ou fracción e por cada entrada e ano:

a) Garaxes particulares de vivendas unifamiliares ou fincas e recintos particulares ao aire libre, con capacidade máxima para catro vehículos:

Categorías rúas:

1 ^a	2 ^a	3 ^a	4 ^a	5 ^a	6 ^a
124,20	113,65	83,00	62,05	41,10	30,35 €

b) Garaxes de comunidade e privados para uso exclusivo de vivendas:

b.1. ata 10 prazas

Categorías rúas:

1 ^a	2 ^a	3 ^a	4 ^a	5 ^a	6 ^a
259,95	234,15	155,70	124,20	104,20	51,45 €

b.2. de 11 a 25 prazas

Categorías rúas:

1 ^a	2 ^a	3 ^a	4 ^a	5 ^a	6 ^a
363,25	327,90	217,85	174,65	145,30	76,80 €

b.3. de 26 a 50 prazas

Categorías rúas:

1 ^a	2 ^a	3 ^a	4 ^a	5 ^a	6 ^a
520,95	457,90	301,85	249,40	208,35	104,20 €

b.4. de 51 a 75 prazas

Categorías rúas:

1 ^a	2 ^a	3 ^a	4 ^a	5 ^a	6 ^a
781,05	687,35	452,95	374,80	312,70	155,70 €

b.5. de 76 a 100 prazas

Categorías rúas:

1 ^a	2 ^a	3 ^a	4 ^a	5 ^a	6 ^a
1041,85	937,55	593,60	489,25	395,60	197,75 €

b.6. de 101 a 150 prazas

Categorías rúas:

1 ^a	2 ^a	3 ^a	4 ^a	5 ^a	6 ^a
1458,85	1312,50	830,85	685,45	553,45	276,05 €

b.7. de 151 a 200 prazas

Categorías rúas:

1 ^a	2 ^a	3 ^a	4 ^a	5 ^a	6 ^a
2042,10	1837,40	1163,45	958,80	776,15	387,15 €

b.8. máis de 200 prazas

Categorías rúas:

1 ^a	2 ^a	3 ^a	4 ^a	5 ^a	6 ^a
3126,20	2865,10	1771,45	1458,85	1155,85	583,15 €

c) Garaxes abertos ao público

c.1. ata 25 prazas

Categorías rúas:

1 ^a	2 ^a	3 ^a	4 ^a	5 ^a	6 ^a
364,10	312,70	187,15	155,70	124,20	62,05 €

c.2. de 26 a 50 prazas

Categorías rúas:

1 ^a	2 ^a	3 ^a	4 ^a	5 ^a	6 ^a
520,95	452,95	259,95	208,35	155,70	104,20 €

c.3. de 51 a 100 prazas

Categorías rúas:

1 ^a	2 ^a	3 ^a	4 ^a	5 ^a	6 ^a
729,45	625,20	364,10	259,95	208,35	155,70 €

c.4. de 101 a 200 prazas

Categorías rúas:

1 ^a	2 ^a	3 ^a	4 ^a	5 ^a	6 ^a
1563,10	1406,70	812,60	729,45	572,45	468,30 €

c.5. de máis de 200 prazas

Categorías rúas:

1 ^a	2 ^a	3 ^a	4 ^a	5 ^a	6 ^a
3126,20	2813,65	1667,30	1458,85	781,05	729,45 €

d) Garaxes de establecementos comerciais, industriais ou de servizos para uso exclusivo do seu persoal e clientes/as:

d.1. ata 25 prazas

Categorías rúas:

1 ^a	2 ^a	3 ^a	4 ^a	5 ^a	6 ^a
312,70	259,95	145,30	104,20	83,00	51,45 €

d.2. de 26 a 50 prazas

Categorías rúas:

1 ^a	2 ^a	3 ^a	4 ^a	5 ^a	6 ^a
520,95	416,80	259,95	208,35	166,25	104,20 €

d.3. de 51 a 100 prazas

Categorías rúas:

1 ^a	2 ^a	3 ^a	4 ^a	5 ^a	6 ^a
781,05	625,20	457,90	312,70	249,40	155,70 €

d.4. de 101 a 200 prazas

Categorías rúas:

1 ^a	2 ^a	3 ^a	4 ^a	5 ^a	6 ^a
1563,10	1250,30	1020,90	625,20	499,80	312,70 €

d.5. de máis de 200 prazas

Categorías rúas:

1 ^a	2 ^a	3 ^a	4 ^a	5 ^a	6 ^a
3126,20	2813,65	1667,30	1250,30	729,45	625,20 €

e) Entradas a establecementos comerciais, industriais ou de servizos

Categorías rúas:

1 ^a	2 ^a	3 ^a	4 ^a	5 ^a	6 ^a
259,95	228,35	155,70	124,20	104,20	51,45 €

Cando a entrada se utilice por dous ou máis usuarios/as, aplicarase a cada un deles a cota que corresponda segundo a aplicación das distintas tarifas incluídas no presente epígrafe G, cunha redución do 25%.

Cando a un garaxe se acceda por varias entradas aplicarase a cada unha delas a cota que corresponda segundo o tipo de garaxe e o numero total das súas prazas pero aplicando a cada entrada unha redución do 25%

No caso de aparcadoiros municipais xestionados indirectamente, estarase en primeiro lugar ao disposto nos respectivos pregos, ademais de ao disposto neste epígrafe.

Epígrafe H) Reserva da vía pública para aparcamento exclusivo, parada de vehículos, carga e descarga de mercancías de calquera clase:

Por ml ou fracción e mes ou fracción:

Categorías rúas:

1 ^a	2 ^a	3 ^a	4 ^a	5 ^a	6 ^a
9,25	4,80	4,30	2,95	2,95	1,65 €

Epígrafe I) Outros aproveitamentos especiais ou utilizacións privativas de solo, voo e subsolo de dominio público local.

I.1 Por ocupación do subsolo, con entubados ou galerías para condución de enerxía eléctrica, auga, gas, fibra óptica ou calquera outro servizo.

Por ml ou fracción e ano ou fracción no caso de que a sección vertical fose inferior a 0,20 m².

Categorías rúas:

1 ^a	2 ^a	3 ^a	4 ^a	5 ^a	6 ^a
78	39	36	28	28	18 €

No caso de que a sección fose superior a 0,20 m² a cota será o resultado de multiplicar a tarifa resultante anterior polo número de veces que a superficie de 0,20 m² este contida na superficie total da sección.

I.2 Por casetas de transformación de enerxía eléctrica e similares no subsolo.

Por unidade e ano:

Categorías rúas:

1 ^a	2 ^a	3 ^a	4 ^a	5 ^a	6 ^a
750	368	317	297	216	151 €

I.3 Caixas de distribución e rexistro instaladas no subsolo do dominio público municipal.

Por m² ou fracción e ano ou fracción

Categorías rúas:

1 ^a	2 ^a	3 ^a	4 ^a	5 ^a	6 ^a
78	39	36	28	28	18 €

Epígrafe J) A calquera outro aproveitamento que fose autorizado polo Concello sen que apareza explicitamente contemplado nestas tarifas deberá aplicarse a tarifa correspondente ao aproveitamento que máis se lle asemelle pola súa natureza.

5. Cando se trate de taxas por utilización privativa ou aproveitamentos especiais constituídos no solo, subsolo ou voo das vías públicas municipais, a favor de empresas explotadoras dos servizos de

subministracións que resulten de interese xeral ou afecten á xeneralidade ou a unha parte importante da veciñanza o importe daquelas consistirá, en todo caso e sen excepción ningunha, no 1,5 % dos ingresos brutos procedentes da facturación que obteñan anualmente en este termo municipal as referidas empresas.

Cando o aproveitamento afecte ao resto do dominio público municipal, aplicaranse, segundo a clase do mesmo, a tarifa das antes establecidas, con carácter xeral, que corresponda.

A estes efectos, incluíranse entre as empresas explotadoras de ditos servizos as empresas distribuidoras e comercializadoras dos mesmos.

Non se incluírán neste réxime especial de cuantificación da taxa os servizos de telefonía móbil.

O réxime especial de cuantificación do 1,5% dos ingresos brutos aplicarase ás empresas a que se refire este epígrafe 5, tanto se son titulares das correspondentes redes a través das que se efectúan as subministracións como se, non sendo titulares de ditas redes, o son de dereitos de uso, acceso ou interconexión ás mesmas.

A efectos do disposto neste epígrafe, entenderase por ingresos brutos procedentes da facturación aqueles que, sendo imputables a cada entidade, teñan sido obtidos pola mesma como contraprestación polos servizos prestado en cada termo municipal.

Non se incluírán entre os ingresos brutos, a estes efectos, os impostos indirectos que graven os servizos prestados nin as partidas ou cantidades cobradas por conta de terceiros que non constitúan un ingreso propio da entidade á que se aplique este réxime especial de cuantificación da taxa.

As empresas que empreguen redes alleas para efectuar as subministracións deducirán dos seus ingresos brutos de facturación as cantidades satisfeitas a outras empresas en concepto de acceso ou interconexión as redes das mesmas. As empresas titulares de tales redes deberán computar as cantidades percibidas por tal concepto entre os seus ingresos brutos de facturación.

O importe derivado da aplicación deste réxime especial non poderá ser repercutido as persoas usuarios/as dos servizos de subministracións a que se refire este epígrafe 5.

As taxas reguladas neste epígrafe 5 son compatibles con outras taxas que poidan establecerse pola prestación de servizos ou a realización de actividades de competencia local, das que as empresas a que se refire este epígrafe deban ser suxeitos pasivos conforme ao establecido no artigo 23.1.b) do RDL 2/2004 de 5 de marzo (TR da Lei Reguladora das Facendas Locais), quedando excluída, polo pagamento desta taxa, a exacción doutras taxas derivadas da utilización privativa ou o aproveitamento especial constituído no solo, subsolo ou voo das vías públicas municipais.

6. En xeral, cando se utilicen procedementos de licitación pública sobre ocupacións suxeitas, o importe da taxa será o valor económico da proposición sobre a que recaia a concesión, autorización ou adxudicación, que será esixido na súa integridade.

Pola contra, cando concorra un suposto de non suxeición a esta taxa e un procedemento de licitación pública referido á ocupación non suxeita, un eventual ou posible importe económico resultado da adxudicación non terá a consideración de taxa por aproveitamento especial ou utilización privativa do dominio público local.

Cando a ocupación do solo, subsolo e voo da vía pública ou as obras necesarias para isto supoñan a inutilización de todo ou en parte de prazas de aparcadoiro a que se refire a Ordenanza Reguladora do Servizo de Aparcamento de Vehículos na Vía Pública mediante Parquímetros Expendedores de Billetes na Cidade de Vigo, a persoa interesada deberá indemnizar ao Concello ou, no seu caso, ao contratista, dos eventuais prexuízos que se lle causen coa ocupación cun máximo de 6€ praza e día.

7. As cotas calculadas segundo o disposto neste artigo correspondentes aos epígrafes A), B), C), D) F) e H), cando as ocupacións do dominio público afecten a prazas de aparcamento regulado na Ordenanza reguladora do servizo de aparcamento de vehículos na vía pública mediante parquímetros expendedores de billetes na cidade de Vigo, serán substituídas polas cotas a ingresar pola concesionaria segundo a Ordenanza nº 62 de prestacións patrimoniais de carácter público non tributario relativas ao servizo XER.

No caso de superficies nas que o dominio público ocupado sexa parte no ámbito da concesión do servizo XER e outra parte en beirarrúa, procederán dous ingresos, un ingreso na concesionaria pola superficie ocupada relativa á zona de estacionamento e outro ingreso, pola superficie restante, ao Concello, calculado conforme á presente Ordenanza.

ARTIGO 5.- PERÍODO IMPOSITIVO E DEVENGO.

1. O período impositivo a que se referirán as cotas das diferentes taxas reguladas nesta ordenanza será o seguinte:

- Para os aproveitamentos sinalados no epígrafe A), E) e I) do artigo 1º o período impositivo coincidirá co ano natural, a excepción do aproveitamento en voo derivado da instalación de grúas torre, que será semestral; e de casetas ou outros elementos afectos á obra no que será o número total de días no que permaneza o ocupación.

- Para os aproveitamentos sinalados nos epígrafes B), C) e F) do artigo 1º, o período impositivo coincidirá co número total de días do aproveitamento.

- Para os aproveitamentos sinalados no epígrafe D) do artigo 1º, o período impositivo será o número de horas ou días.

- Para os aproveitamentos sinalados no epígrafe G) do artigo 1º, o período impositivo coincidirá co semestre natural de cada ano.

- Para os aproveitamentos sinalados no epígrafe H) do artigo 1º, o período impositivo coincidirá co número de meses de aproveitamento.

2. As taxas reguladas na presente ordenanza devengaranse no momento en que se inicie o uso privativo ou o aproveitamento especial, aplicándose para a determinación de cotas os seguintes criterios:

- No caso de que, previamente a iniciar o uso exclusivo ou o aproveitamento especial do dominio público fora preciso executar obras, o devengo producirase dende a data de remate das referidas obras.

- As altas surtirán efectos dende o día de inicio do aproveitamento.

- As baixas surtirán efectos dende o día de cese do aproveitamento que figure na autorización salvo que os servizos técnicos municipais determinen outra data distinta do cese.

- As baixas relativas a aproveitamentos sinalados nos apartados A), G) e I) presentadas durante o primeiro mes do período impositivo, causarán efectos na data de finalización do período impositivo anterior.

ARTIGO 6.- NORMAS SOBRE INGRESO.

1. No momento da presentación de solicitudes de licenzas por usos privativos ou aproveitamentos especiais, os suxeitos pasivos ingresarán por autoliquidación o importe das taxas que correspondan segundo o disposto nos artigos 4 e 5 desta Ordenanza referidas ao exercicio corrente, salvo que os servizos técnicos municipais xestores do servizo, por motivos debidamente xustificados, autoricen a súa autoliquidación nun momento posterior da tramitación do expediente.

No caso de que, previamente a iniciarse a ocupación do dominio público fora preciso realizar obras, a autoliquidación efectuarase á finalización das mesmas e antes de iniciarse o aproveitamento.

Se, para os seguintes períodos impositivos continuara a utilización privativa ou o aproveitamento especial do dominio público as liquidacións serán incluídas nun Padrón periódico con sistema de cobro por recibos para os que se publicará o período voluntario de cobranza.

2. Cando a ocupación de dominio público corresponda a empresas explotadoras de servizos de subministracións a que se refire o apartado 5 do artigo 4 da presente ordenanza así como empresas de telecomunicacións, finalizada a obra correspondente a cada licenza ou transcorrido o prazo de tres meses contado a partir da data da proposta de execución (PRX), deberá formularse, a efectos censuais, declaración de ocupación de dominio público segundo formulario dispoñible en <https://sede.vigo.org/ocupacion> identificado como “paso 3 de 3 declaración de ocupación de dominio”

O incumprimento da obriga sinalada no paragrafo precedente constitúe infracción tributaria tipificada no artigo 198.1 da LXT.

Ingresarán polo procedemento de autoliquidación no primeiro mes de cada semestre o importe da taxa a que alude o apartado 5 do artigo 4 desta ordenanza, correspondente ao semestre anterior. As autoliquidacións practicadas terán o carácter de “a conta” da autoliquidación de regularización que se presentará antes do 30 de xullo do exercicio seguinte. A autoliquidación de regularización practicada en xullo deberá ir acompañada de Balance de Situación e Conta de Explotación da entidade, relativos ao exercicio precedente, certificados polo Presidente do Consello de Administración, así como informe de auditoría onde conste expresamente a facturación correspondente ao término municipal de Vigo no citado período.

3. As persoas titulares de caxeiros automáticos deberán practicar autoliquidación da correspondente cota anual segundo do epígrafe A.5 do artigo 4 durante o primeiro trimestre do ano natural

4. Os/as solicitantes de aproveitamentos sinalados no apartado B), C) e H) do Artigo 1º, deberán formular, solicitude/autoliquidación de taxas por todo o tempo solicitado. Dito documento poderá descargarse da páxina Web do Concello.

Se o tempo solicitado non resultare suficiente, deberán formular, con anterioridade o seu vencemento, solicitude de continuación co aproveitamento e autoliquidación complementaria.

No caso de que a anterior autoliquidación complementaria fose extemporánea será obxecto dos recargos regulados na Ordenanza Fiscal Xeral.

En todo caso, a efectos das competencias de inspección e control sobre o estado da vía pública por parte dos Servizos de Vías e Obras e Circulación Viaria, as persoas solicitantes estarán obrigadas a formular a baixa do aproveitamento.

De non terse formulado esta baixa, a Administración Tributaria do Concello poderá requirir o pagamento das taxas devengadas xunto cos recargos e sancións tributarias procedentes. Do mesmo xeito, a Alcaldía poderá impoñer a correspondente sanción por infracción de norma regulamentaria.

5. No caso do aproveitamento a que se refire o apartado H) do artigo 1, se a solicitude abranguera unha duración superior ao do período impositivo, nos exercicios sucesivos incluírase no padrón anual periódico con sistema de cobro por recibos.

ARTIGO 7.- NORMAS DE XESTIÓN.

1. Para poder desfrutar dos aproveitamentos especiais e utilizacións privativas do dominio público, as persoas interesadas deberán solicitar a oportuna autorización. No caso de que os lugares susceptibles de aproveitamento especial ou utilización privativa fosen limitados, poderán concederse as autorizacións mediante subasta pública conforme ao Prego de Condicións que oportunamente se aprobe. Servirán de tipo inicial de licitación os prezos que figuran no artigo 4 deste texto.

En todo caso estes aproveitamentos axustaranse ao disposto no Regulamento de Bens das Entidades Locais aprobado por Real Decreto 1372/86.

2. No caso dos aproveitamentos a que se refire o epígrafe G) do artigo 3 que requiran obra de rebaixe do bordo, os solicitantes de entradas a establecementos comerciais e industriais, simultaneamente coa solicitude de licenza de obra deberán constituír fianza por importe de 106€ para responder dos gastos de reposición do bordo.

Procederáse á devolución desta fianza se o titular do aproveitamento procede á reposición do bordo previamente á baixa do aproveitamento.

3. As solicitudes contarán en todo caso cos seguintes datos: nome, apelidos e D.N.I. ou razón social e C.I.F. da persoa solicitante, correo electrónico, domicilio fiscal, situación do aproveitamento e o seu prazo de duración (máximo 90 anos).

No caso de que os aproveitamentos por entradas de vehículos foran detectados a través de actuacións inspectoras ou comprobacións de campo, a Administración Tributaria poderá iniciar expediente de solicitude de autorización do aproveitamento por entradas de vehículos-referenciado catastralmente tanto con datos gráficos como alfanuméricos-, no caso de que na visita realizada, o/a titular catastral da finca, titular da actividade económica, inquilino/a ou ocupante conforme a dereito, manifestara fehacientemente a súa vontade de regularizar o aproveitamento.

4. Os servizos técnicos deste Concello comprobarán e investigarán as declaracións presentadas polas persoas interesadas concedéndose as licenzas de non atopar diferencias coas peticións e conforme ás normas vixentes no Concello en relación ao tráfico, limpeza, non obstaculizar calzada e beirarrúas, seguridade e outras. Se se desen diferencias coas declaracións, notificaranse as persoas interesadas e xiraranse, no seu caso, as liquidacións complementarias con aplicación de intereses de demora e a sanción correspondente.

5. En caso de denegarse as autorizacións, procederá a devolución dos importes ingresados, sempre que non se teña producido o feito imponible.

6. Non poderá ocuparse dominio público municipal ata que fose ingresado o importe das taxas e outorgada a correspondente autorización.

7. A ocupación entenderase concedida polo tempo que figure na autorización, sen prexuízo dos supostos de renuncia pola persoa interesada, caducidade ou revogación da mesma, nos casos legalmente previstos.

8. No caso dos aproveitamentos que figuran nos epígrafes B), C), D) e F) do artigo 1º as persoas titulares das licenzas deberán depositar antes de retirar a licenza, fianza para responder dos posibles danos que poidan ocasionarse no dominio público, dos posibles gastos de reconstrución ou reparación do dominio público, na contía que determine os departamentos de Urbanismo, Infraestrutura e Obras, Circulación Viaria e/ou o departamento competente, segundo corresponda.

A estes efectos e de conformidade co previsto no artigo 34 da Ordenanza Xeral Reguladora das Obras e as Consequentes Ocupacións necesarias para a implantación de Servizos na Vía Pública, o/a solicitante deberá presentar no prazo dos 15 días seguintes á notificación da licenza de obras e, en todo caso, antes do inicio das mesmas, fianza para responder polos danos e prexuízos que poda sufrir o dominio público con ocasión ou como consecuencia, directa ou indirecta, da execución das mesmas, por importe do 10% do seu custo incluído no presuposto presentado ou na licenza, no caso de que o mesmo fora modificado por aquela.

No caso de que o aproveitamento supoña a execución de obras no dominio público coa conseguinte remoción de pavimentos e de conformidade co previsto na Ordenanza Xeral Reguladora das Obras e as Consequentes Ocupacións necesarias para a implantación de Servizos na Vía Pública e no artigo 4.d) da Ordenanza Fiscal nº 24 Reguladora das Taxas pola Prestación do Servizo de Control de Calidade, os solicitantes xunto coa súa solicitude deberán acreditar ter ingresado na Tesourería Municipal o 4% do presuposto de execución material da obra a que corresponda. O importe ingresado será provisional a resultas da liquidación que proceda á finalización da obra e sen prexuízo da súa devolución se a licenza fora denegada.

9. Cando a utilización privativa ou aproveitamento especial conlevase a destrución ou deterioro do dominio público local, o/a beneficiario/a, sen prexuízo do pago da taxa a que houbese lugar, estará obrigado/a ao reintegro do custe total dos respectivos gastos de reconstrución ou reparación e ao depósito previo do seu importe, se fora superior á fianza constituída ao efecto.

Se os danos fosen irreparables, o Concello será indemnizado en contía igual ao valor dos bens destruídos ou ao importe do deterioro dos danados.

O Concello non poderá condonar total nin parcialmente as indemnizacións e reintegros a que se refire este apartado.

10. O disfrute dun aproveitamento sen licenza ou por superficie ou duración superior á que figurase naquela, será sancionado pola Xunta de Goberno Local ou Órgano en que delegue de acordo co disposto no artigo 127.1.l) da Lei 7/85 de 2 de abril Reguladora das Bases de Réxime Local e restante normativa de aplicación.

ARTIGO 8.- INFRACCIÓNS E SANCIÓN.

No relativo a infraccións tributarias desta ordenanza, así como as súas cualificacións e sancións, estarase ao disposto na Ordenanza Fiscal Xeral do Concello, Lei 58/2003 de 17 de decembro, Xeral Tributaria, e restante normativa de aplicación.

DISPOSICIÓNS FINAIS.

1ª. No non previsto nesta ordenanza será de aplicación a Ordenanza Fiscal Xeral, a Lei 58/2003 Xeral Tributaria, e a restante normativa de aplicación.

2ª. Esta modificación entrará en vigor ao día seguinte da súa publicación no BOP e comenza a aplicarse o 1 de xaneiro de 2024 permanecendo vixente en tanto non se acorde a súa modificación ou derogación expresa.

PUBLICACIÓNS B. O. P.:	30 DE DECEMBRO DE 1998
	30 DE DECEMBRO DE 1999
	27 DE DECEMBRO DE 2000
	30 DE NOVEMBRO DE 2001
	26 DE DECEMBRO DE 2002
	30 DE DECEMBRO DE 2003
	29 DE NOVEMBRO DE 2004
	7 DE DECEMBRO DE 2005
	30 DE DECEMBRO DE 2006
	10 DE DECEMBRO DE 2007
	10 DE DECEMBRO DE 2008
	11 DE DECEMBRO DE 2009
	14 DE DECEMBRO DE 2010
	22 DE NOVEMBRO DE 2011
	21 DE DECEMBRO DE 2012
	25 DE NOVEMBRO DE 2015

12 DE DECEMBRO DE 2016
7 DE DECEMBRO DE 2017
29 DE NOVIEMBRE DE 2018
30 DE DECEMBRO DE 2019
2 DE DECEMBRO DE 2020
15 DE DECEMBRO DE 2021
14 DE DECEMBRO DE 2022
4 DE DECEMBRO DE 2023